

外

科

卷六

外科

傷醫準繩卷之六

金壇

王叔和集注泰輯

跌打損傷

金瘡

杖瘡

箭頭入骨

瘀血
停積

素問云人有所墜墮惡血留內腹中滿脹不得前後先飲利藥
此上傷厥陰之脈下傷少陰之絡刺足內踝之下然骨之前血
脉出血刺足跗上動脉不已刺三毛上各一痛見血則已左刺
右右刺左善悲驚不樂刺如右方

繆刺論

靈樞云有所墜墮惡

血留內有所大怒氣上而不行下積於脇下則傷肝又中風及

有所擊仆若醉入房汗出當風則傷脾又頭痛不可取於睛者

有所擊墮惡血在內若肉傷痛未已可側刺不可遠取之也

氣邪

臟腑及
厥病篇

針灸集要

卷六

跌打損傷

一

東垣醫學發明論曰夫從高墜下惡血留於內不分十二經絡醫人俱作中風肝經留於脇下以中風療之血者皆肝之所主惡血必歸於肝不問何經之傷必留於脇下蓋肝主血故也痛甚則必有自汗但人人有汗出皆屬風證諸風皆屬於肝木況敗血凝泣逆其所屬入於肝也從高墜下逆其上行之血氣非肝而何非傷寒無汗既曰汗必自風化之也故以破血行經藥治之蓋從高墜下振逆其氣不得上行故血凝積於喉血主流行凝卽爲惡氣亦到此不得流行故必須先利其血若一經風則風血相搏凝閉固結矣故不特兼須治風必先當避風緣風本屬於肝血旣凝於肝則風更易入而氣遂塞而不行先之露於頭面發癰旋卽結於胸膈矣

靈樞又云身有所傷血出多反中風寒若有所墜墮四肢懈惰不收名曰體惰取小腹臍下三結交陽明太陰也臍下三寸關也

寒熱篇。三結交者卽關元穴是也

劉宗厚曰打撲金及損傷是不因氣動而病生於外外受有形之物所傷乃血肉筋骨受病非如六淫七情爲病有在氣在血之分也所以損傷一證專從血論但須分其有瘀血停積而亡血過多之證蓋打撲墜墮皮不破而內損者必有瘀血若金及傷皮出血或致亡而過多二者不可同法而治有瘀血者宜攻利之若亡血者兼補而行之又察其所傷有上下輕重淺深之異經絡氣血多少之殊唯宜先逐瘀血通經絡和血止痛然後調氣養血補益胃氣無不効也頃見圍城

中軍士被傷不問頭面手足胸背輕重醫者例以大黃等藥利之後大黃缺少甚者遂以巴豆代之以爲不於初時瀉去毒氣後則多致危殆至於畧傷手指亦悉以藥利之殊不知大黃之藥惟與有瘀血者相宜其有亡血過多元氣胃氣虛弱之人不可服也其巴豆大熱有毒止能破堅逐積用於此疾尤非切當所以有服下藥過後其脉愈見堅大醫者不察又以爲瘀血未盡而後下之因而夭折人命可不慎歟夫墜墮與打撲之傷治既有別墜墮逆氣瘀血故須急以逐瘀行氣以利下爲要打撲重亦與墜墮相等輕則當和解調攝爲要若金刃傷亡血過多則氣亦隨血而散急須攝其氣補其血勿使再有損洩庶可望生奈何瀉之使其再損乎

脈內經云肝脈搏堅而長色不青當病墮若搏因血在脇下令人嘔逆 脈經云從高顙仆內有血腹脹滿其脈堅強者生小弱者死

金匱云寸口脈浮微而澀然當亡血若汗出設不汗者其身有瘡被刀斧所傷亡血故也 脈經云金瘡血出太多其脈虛細者生數實大者死 金瘡出血脈沉小者生浮大者死 砍瘡出血一二石脈來大者二十日死 砍刺出血不止者其脈止脈來大者七日死滑細者生

右破傷之脈若瘀血停積者堅強實則生虛細澀則死若亡血過多者虛細澀則生堅強實則死皆爲脈病不相應故也 戴院使云仆踏不知曰顙兩手相搏曰撲其爲損一也因顙撲

而迷悶者酒調蘓合香丸灌之因擗撲而損傷宜逐其惡血酒煎蘇木調蘇合香丸或雞鳴散或和氣飲加大黃入醋少許煎或童便調黑神散不用童便用蘇木煎酒調亦得擗撲傷疼酒調琥珀散極佳烏藥順氣散亦可

大法固以血之瘀失分虛實而爲補瀉亦當看損傷之輕重輕者頓挫氣血凝滯作痛此當導氣行血而已重者傷筋折骨此當續筋接骨非調治三四月不得平復更甚者氣血內停沮塞真氣不得行者必成急瀉其血通其氣亦或有可治者焉 傷損論曰夫傷損必須求其源看其病之輕重審其損之淺深凡人一身之間自頂至足有所傷打傷跌傷及諸小傷者皆有之凡此數證各有其說有當先表裏而後服損藥者爲醫者當循

其理治之然醫者意也不知意者非良醫也或者稟性愚昧不能觀其證之輕重明其損之淺深未經表裏通利先服損藥誤人多矣有因此痰涎上攻有因此大小臟腑閉結差之毫釐繆以千里所謂醫不三世不服其藥信哉此論治損傷之大綱

也然用藥固不可差而整頓手法尤不可孟浪今以人之周身總三百六十五骨節開列於後人身總有三百六十五骨節以一百六十五字都關次之首自鈴骨之上為頭左右前後至髌

骨以四十九字共關七十二

骨顛中為都顛骨者一

有勢微有髓及有液

次顛為體骨者一

有勢微有髓

體前為頂威骨者一

微有髓女體後人無此骨

為腦骨者一

有勢微有髓

腦左為枕骨者一

有勢無液

枕就之中附下為

天蓋骨者一

下為肺系之本

蓋骨之後為天柱骨者一

下屬脊

蓋前為

言骨者一

言上復合於體
骨有勢無髓

言下為舌本骨者左右共二

有勢無髓

前為顙骨者一

無勢

顙下為伏委骨者一

俚人訛為伏犀
骨是也無勢髓

伏委

之下為俊骨者一

附下即眉字之
分也無勢髓

眉上左為天賢骨者一

無勢髓下

同眉上右為天貴骨者一

眉上直
目睛也

左睛之上為智宮骨者一

無勢

髓右睛之上為命門骨者一

兩睛之下
中為鼻

鼻之前為梁骨者一

無勢

髓梁之左為顴骨者一

有勢無髓
下同

梁之左為紕骨者一

顴紕之後
即耳之分

梁之端為嵩柱骨者一

無勢髓

左耳為司正骨者一

無勢髓

右耳為

納邪骨者一

同上

正邪之後為完骨者左右共二

無勢無髓

正邪之上

附內為囁骨者一

無勢少液

囁後之上為通骨者左右前後共四

有勢

少囁上為囁骨者一

無勢多液

其囁後連屬為頤也左頤為乘骨者

一有勢

右頤為車骨者一

同上

乘車之後為該骨者左右共二

有勢

有乘車上下出齒牙三十六事無勢髓庸下就一則不滿其數復次鈴骨之下

為腫中左右前後至篠以四十字關九十七骨轅骨之下左右

為鈴骨者二液多鈴中為會厭骨者一無勢髓鈴中之下為咽骨者

左中及右共三髓無咽下為喉骨者左中及右共三同喉下為嚙

骨者環次共十事同嚙下之內為肺系骨者累累然共十二無勢

髓肺系之後為谷骨者一無髓谷下為偏道骨者左右共二同嚙

外次下為順骨者共八少液順骨之端為順隱骨者共八同順下

之左為洞口者一無此順下之右為捫骨者一無此洞口之下

中央為髑髏骨者一無髓但人髑髏直下為天樞骨者一無髓鈴

下之左右為缺盆骨者二有勢左缺盆前之下為下厭骨者一

無髓右缺盆前之下為分饒骨者一同厭饒之後附下為倉骨者

跌撲傷損

一同上倉之下左右為膠骨者共八有勢無液膠下之左為胸骨者一

男子此骨大者好勇膠下之左右蕩骨者一女子此骨大則丈夫胸之下為鳥骨者

一男子此骨滿者髮早白蕩之下為臆骨者一此骨高鈴中之後為脊竅

骨者共二十二上接天脊竅次下為大動骨者一上通天柱共

大動之端為歸下骨者一道家謂歸下之後為纂骨者一此骨

精液歸下之前條骨者一此骨薄者復次缺盆之下左右至襪以

二十五字關六十骨此下止分兩手臂支其缺盆之後為偃甲

骨者左右共二有勢多液偃甲之端為甲隱骨者左右共二此骨長

前支缺盆為飛動骨左右共二此骨次飛動之左為龍肅骨

者一有勢無次飛動之右為虎衝骨者一同龍肅之下為龍木

骨者一虎衝之下為虎端骨者一俱有勢

本上內為進賢骨者一

男子此骨隆為名臣

虎端上內為及爵骨者一

此骨高為命婦

婉前左右為上力骨者共八

有勢多液

次上力為駐骨者左

右共十

同

次駐骨為擗骨者左右共十

同

次擗為助勢骨者左

右共十

左助外為爪右助外為甲

爪甲之下各有視骨左右共十

無勢無液

復次

髑髏之下左右前後至初步以五十一字關一百三十六骨此

下至兩乳下分左右自兩足心泉骨所會處也髑髏之下為心

蔽骨者一

無髓

髑髏之左為脇骨者上下共十二

居小腸之分也

左脇之

端各有脇隱骨者分次亦十二

無髓

脇骨之下為季脇骨者共二

多季脇之端為季隱骨者共二

無髓

髑髏之右為肋骨者共十二

處太陽之分也

肋骨之下為眇肋骨者共二

各無隱骨唯獸有之

右肋之端為肋

隱骨者共十二

無髓

髌骨之前為大橫骨者一

有勢少髓

橫骨之前為

曰環骨者共二有勢白環之前為內輔骨者左右共二有勢內

輔之後為骸關骨者左右共二同骸關之下為捷骨者左右共

二同捷骨之下為髀樞骨者左右共二有勢髀樞下端為膝蓋

骨者左右共二無勢膝蓋左右各有俠升骨者共二有勢髀樞

之下為脣骨者左右共二有勢脣骨之外為外輔骨者左右共

二有勢脣骨之下為立骨者左右共二同立骨左右各有內外

踝骨者共四有勢踝骨之前各有下力骨者左右共十有勢踝

骨之後各有京骨者左右共二有勢下力之前各有釋欹之前

各有起仆骨者共十有勢起仆之前各有平助骨者左右共十有勢

平助之前各有襯甲骨者左右共十無勢釋欹兩傍各有核骨

者左右共二有勢起仆之下各有切齒骨者左右共二有勢

女人則無此骨凡此三百六十五骨也天地相乘惟人至靈其女人則無頂威左洞右棚及初步等五骨止有三百六十骨又男子女人一百九十骨或隱或覩或無髓勢餘二百五十六骨並有髓液以藏諸筋以會諸脉谿谷相需而成身形謂之四大此骨度之常也

頭目鼻耳傷

凡腦骨傷破輕手搏捺平正若皮不破者用退腫

膏敷貼若皮破肉損者先用封口藥捺之外以散血膏貼之若皮破血流者用止血散捺之若腫痛者用葛葉毛藤葉楓葉尾砍爛傅之不可見風着水恐成破傷風凡腦骨傷碎在硬處可治若傷太陽穴不可治如在髮際須剪剃去髮看皮破不破依上用藥敷若欲洗宜用熟油和藥水洗或和溫茶洗之凡

面日傷青黑色用一紫散敷或紫金膏貼傷重者用補肉膏敷
貼 凡腦兩角及後枕或兩眉有傷可治眼睛傷瞳神不碎可
治或眼胞傷紫黑色用一紫散敷貼或紫金膏敷貼傷重者用
補肉膏敷貼或頭頂心有損則難治 凡鼻兩孔傷凹者可治
血出無妨鼻梁打撲跌磕凹陷者用補肉膏敷貼若兩鼻孔跌
磕傷開孔竅或刀斧傷開孔竅用封口藥揆傷處外以散血膏
敷貼及耳後看脫落所向用鵝翎橫夾定却用竹夾子直上橫
縛定縛時要兩耳相對輕縛住

舌唇口喉齒頤傷

凡唇口刀斧斫磕跌墮等傷破皮傷肉者先

用桑白皮線縫合却以封口藥塗傅次以散血膏敷貼牽住

封藥不令開落仍少言語 凡跌破唇耳鼻而破缺者即以封

口藥搽外以散血膏敷貼若缺唇缺耳等處用藥塗抹之次日以茶輕洗就搽末一日換一次至八日剪去線
又搽末 凡顙頰顴刀斧斫磕跌墮等傷破皮肉者用封口藥
填瘡口外以散血膏敷貼或跌磕損傷未破皮肉者用補肉膏
敷貼 凡刀斧斫磕跌破上脣而拔缺者用絹片一小條從腦
後縛向前來縛合縫定次搽封口藥外以散血膏敷貼如下脣
整法却以絹片從下頰兜縛及如前法整頓次搽末敷藥或無
腫不須敷藥 凡偶含刀在口內戲耍誤割斷舌頭未全斷者
用封口藥傅一日換二三次藥七八日全安 凡兩臉涎囊破

刀斧所磕跌墮等傷傷開涎囊者用絹線縫合却以封口藥塗敷外以散血膏敷貼七八日接住肉剪去線換封口藥凡牙齒被人打跌砍磕去了牙齒者只用補肌散摻及封口藥換服破血藥止痛藥並用水煎藥服不宜用酒煎藥須知此法乃大有功凡牙斷跌磕斫傷牙齒未動者用芙蓉膏末摻如齒動者用蒺藜根燒存性爲末常揩搽之卽牢凡割喉者用騎脚患人頭項以絲線先縫內喉管却縫外頸皮用封口藥塗傅外以散血膏敷貼換藥或喉被人打歪以手搖正却以前膏敷貼若結喉傷重喉斷不可治以湯與之得入腸者可治若並出者不可治

跌打損傷

凡高處跌墮頸骨摔進者用手巾一條繩一